

TONG yulduzi

O'zbekiston Respublikasi bolalari va o'smirlari gazetasi

Gazeta 1929-yil 1-avgustdan chiqib boshlagan

2005-yil 13 - 19 - iyun N:24 (66513)

Muassislar:

O'zbekiston Matbuot va
axborot agentligi,
O'zbekiston Respublikasi
Xalq Ta'limi Vazirligi,
«KAMOLOT» Yoshlar
Ijtimoiy Harakati,
«SOG'LOM AVLOD
UCHUN» Hukumatga
qarashli bo'lmagan xalqaro
xayriya jam'armasi.

CHO'MILGANI BORGANDIK...

Ariq katta edi, bejilov edi,
Meni o'z bag'riga tortardi qattiq.
Unga bo'ysunishni hech xohlama dim,
Mening sho'xliklarim undanda ortiq.

Cho'kib borar edim, ko'zimda qo'rquv,
Qirg'oqni titratdi, singlim faryodi.
O'ldim deb o'yladim, muzladi tanim,
Meni qutqarolmas birov najoti.


Bilmadim, qanday qo'l sochimdan tortib,
Qirg'oqqa chiqardi, chalajon, behol.
Saldan so'ng, o'zimga kelib qaragam,
Abdumalik mendan so'rar edi hol.

Shunda xaloskorim kimligin bildim,
Bir nur o'ynar edi, uning yuzida.
Men ilk bor hayotning suratini ko'rdim,
Abdumalikning mehr to'la ko'zida...
Ma'mura MADRAHIMOVA.

Yoz - naqadar soz!

Bolalikda ancha sho'x edik,
Ko'zlarda cho'g', sochlarda pilik.
Cho'milishga bordik bir kuni,
Singillarim bilan bo'lib ko'pchilik.

Ariq katta edi, bahaybat edi,
Bizning sho'xligimiz undan ham ortiq.
Suzishni bilmasdik, ammo negadir,
Ariqqa sakradim, misoli baliq.



rom etgan? Bu yurtga
bo'lgan muhabbatim,
uning tarixini o'rganishga,
u haqida ko'proq
ma'lumotga ega bo'lishga
intilganimdandir balki.

Televideniye,
matbuot sahifalarida
Luvr muzeyi, Bastiliya
qal'asi, Sorbonna
universiteti, Luksemburg
bog'i, Napoleon
to'g'risida biror bir so'zni
uchratish men uchun katta
baxt edi. Eyfel
minorasining surati

insonlardan biri maktabimiz
direktori Said Rahmonovga juda
havasim keladi. Kelajakda u
kishi singari Fransiya borish
baxtiga muyassar bo'lsam,
deyman. Hozirgi kunda
yurtimizda yoshlarga katta
imkoniyatlar yaratilgan, shu jumladan chet
davlatlarga borib ilm olishga
ham. Buning uchun bizdan faqat
intilish hamda tirishqoqlik bilan
bilim olish talab qilinadi.
Orzularimga erishish maqsadida
fransuz tilini mukammal
o'rganishga bel

Orzu

FRANSIYAGA BORGIM KELADI

Har gal Fransiya, Parij
so'zlarini eshitganimda
yuragimda o'zgacha hayajon
jo'sh uradi. Go'zal Fransiya
borishni, uning poytaxtida sayr
qilishni orzulamagan inson
bo'lmas kerak. Boshqalarni
bilmadimu, lekin birgina Fransiya
so'zining o'zi meni hayajonga
soladi, qalbimni junbushga
keltiradi. Hayronman, nega bu
mamlakat meni o'ziga bunchalik

tushirilgan kitob yoki gazetalarni
aytmasa ham bo'ladi. Parijliklar
tomonidan ardoqlanib, «Eng
keksa xonim» deb atalgan bu mi-
nora suratiga soatlab tikilib
turishdan ham charchamayman.
Minorani hatto tushimda ham
ko'rganman, uni o'ngimda
ko'rishni juda-juda istayman.
Shunday baxtga erishgan

bog'laganman. Kelajakda
fransuz sayyohlarini yurtimiz
bo'ylab sayohat qildirsam, ularga
vatanimiz, obidalarimiz tarixi
haqida o'z tililarida so'zlab
bersam deymen. Lekin, kim
bo'lmay, avvalo yurtimning
tinchliligi, obodonchiligiga, uning
rivojlanishiga o'z hissamni
qo'shishga harakat qilaman.

Indira SAYFIYEVA,

Buxoro viloyati, G'ijduvon tumanidagi 62-maktab-internat o'quvchisi.

BOLA VA DUNYO

BOG'CHA BOLALARI UCHUN INTERNET

AQSh ta'lim departamenti xabar berishicha, 3-5 yoshli bolalarning 23 foizi, hamda 6-7 yoshli bolalarning 32 foizi Internetdan foydalanishadi. Bolalarning mashhur saytlari «Sesame Street», «Barney and Friends» bo'lib, ulardan hisob-kitob, savod, hikoya va she'rlar o'rganishadi. Statistika ko'ra kompyuter bilan shug'ullanadigan bog'cha yoshidagi bolalar 2/3 qismini tashkil etib, ular tarbiyachilari bilan birgalikda ijtimoiy muammolarni hal qilishda o'z fikrlarini bildirishadi.



JODUGAR OVI

London xayriya tashkilotlari vakillari xabariga ko'ra, Buyuk Britaniya yashovchi yuzlab afrikalik bolalar «jodugar ovi» qurboniga aylanib borish xavfida.

Markaziy Afrikadan kelgan to'rtta xayriya tashkilotlari arizasiga binoan 8 yasharlik bir qiz uch nafar kishi tarafidan kamsitishlarga duchor bo'lgan. Ular qizchani ruhlar bilan muloqotda bo'ladi, deb gumon qilishib kaltaklashar, badanini pichoq bilan tilib, achchiq garimdori surtishar, go'yoki yovuz jinlarni undan haydashar ekan.

Sud asosiy aybdor deb qizning xolasini tan oldi. Shuningdek, uning akasi Sebastyan Pinto va opasi Sita Kisanga ham aybdor deb topildi. Kisanga Bi-Bi-Siga bergan intervyusida «Kindoki jinlari ruhi hukmronlik qiladi, odamlarni o'ldiradi, yovuzliklar qiladi.

Shuning uchun jiyanimni undaylardan xalos qilmoqchi bo'ldim», dedi. Sakkiz yoshli qiz Angoladan Buyuk Britaniya 2002-yil ota-onasi vafot etgandan keyin keltirilgan. Taxminan bir yil o'tib, xolavachchasi qizchani jodu bilan shug'ulla-nishini gumon qilgan. Keyin uni «sen o'lasan» deb qo'rqitib, qopga solishgan. Qizcha «Meni daryoga tashlab yuborishadi» deya xotirlaydi.

Vahshiy muomalalarni bartaraf etuvchi Milliy jamiyat direktori Meri Marsh «bunday holatlar uchrab turadi» deb ta'kidlarkan, masalan, afrikalik bolalarni jinlarni ulardan haydash lozim, deb o'z yurtlariga jo'natilgani, bir angolalik bolani esa «jodudan ozod etilmagani uchun» qatl ettirilganini eslatib o'tdi. Bi-Bi-Sining muxbiri Angus Kroufordning aytishicha, ijtimoiy tashkilot xodimlari hamda politsiyachilar turli mayda diniy tashkilotlarning faoliyatlarini kuzatib turishi lozim. Chunki har xil bo'lmag'ur udumlar ana shundan keyin ko'paymoqda.

Politsiya mahkamasida bolalarning kamsitilishiga qarshi kurashadigan bo'lim tashkil etilishi ham bejiz emas.

Muharrama PIRMATOVA tayyorladi.

TARBIYACHI BO'LGANMAN

Qalbi oftob, mehribon tarbiyachilar bolajonlarning jonu dili. Ular orasidan eng yaxshilarini har yili o'tkaziladigan an'anaviy «Yil tarbiyachisi» ko'rik-tanlovidan bilib olamiz, desam aslo mubolag'a emas. Poytaxtimizning Mirzo Ulug'bek tumanidagi 279-maktabda ushbu ko'rik-tanlovning tuman bosqichi bo'lib o'tdi. Pedagogik faoliyat, aktyorlik, atrof-muhit bilan tanishish, ekologiya va salomatlik kabi



shartlar bo'yicha o'zaro bellashgan soha jonkuyarlari boy bilim va tajribalari bilan olqish oldilar. Tarbiyachilarni ikkinchi onamiz deymiz. Men ta'limi kunlarida biroz muddat bog'chada ishlab, tarbiyachilarning mashaqqatli mehnatlarini his qilganman. Shuningdek, bolajonlarning bilimdonliklaridan zavqlanib, maroqli dam olganman. Tanlovda 525-bog'cha tarbiyachisi Nargiza Mirziyatova I o'rinni, 383-bog'cha tarbiyachisi Zamira Haydarova II o'rinni, 426-bog'cha tarbiyachisi Gulnora Miraliyeva esa III o'rinni qo'lga kiritganini ko'rib, ularga

tasannolar aytdim. G'oliblar tuman Kasaba uyushmasi tomonidan qimmatbaho sovg'alar, «Faxriy yorliq»lar bilan mukofotlandilar. Toshkent shahar Xalq ta'limi bo'limi boshlig'i Jamoliddin Kamolov, tuman XTB mudiri Nargiza Rahmonqulova, tuman xotin-qizlar kengashi raisasi Gulnora Boboxonova g'oliblarga undan-da ortiq sovg'a - bolajonlarning mehri ekanini ta'kidlashdi.

Ilmira ABDUG'AFFOROVA.

Poytaxtimizning muhtasham saroylaridan biri-Rus akademik drama teatrida «O'zbekiston Vatanim manim» ko'rik-tanlovining tuman bosqichida g'oliblikni qo'lga kiritgan Mirzo Ulug'bek tumanining yosh iste'dodlari respublika

maktabning 9-sinf o'quvchisi Farangiz Umarova, 256-maktabning 8-sinf o'quvchisi Nodir Zoitov, 222-maktabning xor jamoasi hamda Noila Ortiqova rahbarligidagi «Guldasta», taniqli kompozitor Sheramat Yormatov

G'OLIBLARNI QUTLAYMIZ

bosqichiga yo'llanmani qo'lga kiritgan edilar. Shu yilning may oyida ushbu tanlovning respublika bosqichi Surxondaryo viloyatida bo'lib o'tdi. San'at g'unchalariga ustozlik qilgan o'quvchilar ijodiyot markazi rahbari Gulira'no Abdurazzoqova har bir iste'dod bilan alohida shug'ullanib, katta



tayyorgarlik ishlarini olib bordi. Qariyb 10 yildan buyon bolajonlarga san'at sirlarini o'rgatib kelayotgan Gulira'no opadan shogirdlari mamnun. Ustoz rejissura sohasida ham faoliyat olib boradilar. Ushbu nufuzli tanlovning respublika bosqichida tumandagi 49-

rahbarligidagi birlashgan xor jamoalari yuqori o'rinlarni qo'lga kiritdilar. G'olib iste'dodlarni Respublika

Xalq ta'limi vaziri o'rinbosari U. Musayev qizg'in qutlab, ularga qimmatbaho sovg'alar topshirdi. Mirzo Ulug'bek tumani Xalq ta'limi bo'limi mudiri Nargiza Rahmonqulova hamda tuman «Kamolot» yoshlar ijtimoiy kengashi raisi Shuhrat Qo'chqorov san'atsevar bolajonlarga muruvvat ko'rsatishdi.

Shirmonoy ASRANOVA.

Tanlovlarga tasanno

Toshkent viloyati, Toshkent tumanidagi 4- umumta'lim maktabida turli tanlovlar, qiziqarli kechalar, mushoiralar, uchrashuvlar muntazam ravishda o'tkazilmoqda. Bunday tadbirlar o'quvchilarni doimo izlanishga, o'z bilimlarini har tomonlama mustahkamlashga katta yordam beradi. Ta'lim maskanida 1—4 sinflar o'rtasida o'tkazilgan «Qarog'ida qadrin asragan elim» mavzusidagi tadbirning davomi she'riy mushoiraga ulanib ketdi. Fursatdan foydalanib, mushoira qatnashchilari, ularning ustozlari va mehmonlarni suhbatga chorladim.

Lutfullo ABDULLAYEV, 2-sinf o'quvchisi.

- Qaysi mavzularda she'rlar yozasiz?
- Vatan, ona, do'stlik, tinchlik haqida she'rlar mashq qilaman. Yozganlarimni birinchi tinglovchilari albatta oyijonim va dadajonimdir.



Sen mening do'stimsan,
Qadrdonim kitobim.
Dilinga ziyosan,
Ardoqlangan mohtobim,

kabi kichik she'riy mashqlarimni kattaroq she'rlarga aylantirishni istayman. Buvijonimning aytishlaricha, shoirlilik ishi mashaqqat ekan, men mashaqqatlardan aslo cho'chimayman.

Sarvinoz ERKINBOYEVA,
5-yoshda, 1-sinf o'quvchisi.

- G'azallarni bunchalik ravon o'qishni kimdan o'rgangansiz?
- Sinf rahbarimiz Umida Berdiyevadan. Ular Navoiy, Bobur, Furqat



kabi bobolarimizning hayoti va ijodlari haqida bizga ko'p gapirib beradilar. G'azal o'qishni yaxshi ko'rganim bois, qo'shimcha soatlarda doimo menga yod olgan g'azallarimni o'qitadilar. Kamchiliklarini tuzatib, mana bu jumlaning ravon o'qigini, mana bu satrda esa bir zum to'xtab tin olgin, bu jumla jaranglab chiqishi lozim, deya ta'kidlaydilar. Bugungi tadbirda ham Navoiy bobomizning g'azallaridan bir nechtasini ifodali o'qishga harakat qildim.

F.IKROMOVA, 4-sinf o'quvchisi.

- O'quv yilini a'lo baholarga yakunlabsiz. «Maqto'v yorlig'i» faqat a'lochi o'quvchilarga beriladimi?
- Yo'q albatta. Barcha fanlarni birgina a'loga o'zlashtirish bilan ish bitmaydi. O'quvchining barcha fazilatlarini ham maqto'vga loyiq bo'lishi kerak. Masalan: ba'zi fanlardan o'zlashtirishga qiyalayotgan do'stlariga ko'magi, o'zini o'zgalardan ustun qo'ymaslik, jamoat ishlaridagi faolligi, yolg'iz va yordamga muhtoj keksalarning holidan xabar olib turish, ko'cha-ko'y, atrof-muhitning tozaligini saqlashga hissa qo'shish kabi vazifalarni ham bekamu-ko'st uddalashi lozim.



Fazliddin BERDIYEV, bo'lim rahbari.

- Ta'lim maskani hashar yo'li bilan bunyod etilganmi?
- 1999-yili Islom Bahromov nomli mahalla ahlining hamda

M. Fozilov nomli shirkat xo'jaligining yordamida maktabni hashar yo'li bilan qurib bitkazdik. Dastlab 82 nafar o'quvchini bag'riga olgan ta'lim maskanimizda bugunga kelib o'quvchilar soni 300 nafarga yetdi. Bu yil 9-sinfning birinchi qaldirg'ochlarini kuzatayapmiz. Maktabimizda o'z kasbining fidoyi o'qituvchilari ko'pchilikni tashkil qiladi. Saodat Yoqubova, Matluba Hikmatova, Mahmuda Orifjonova, Dilorom Bahromova, Nigora Fatxullayeva



G'AZALLARNI YOD OLAR BOLALAR

kabi ustozlarning talabchanligi bois qariyb 90 foizga yaqin o'quvchi faqat a'lo va yaxshi baholarga o'zlashtirmoqda. To'g'ri, maktabda talaygina muammolar ham bor. Sinf xonalari kamligi bois o'quvchilarimiz ikki smenada tahsil olishadi.

Sport kompleksi qurilmagan. Jismoniy tarbiya o'qituvchisining o'zi ochiq maydonda sport bilan shug'ullanishni yo'lga qo'yg'an. Hozirda taekvando sporti bo'yicha Ahror To'laganov O'zbekiston chempioni, karate bo'yicha Dilshod Toshmammedov 2-o'rin, Baxtiyor Rahimov 3-o'rin sohibi. Ta'lim maskanimizda drama, kashtachilik to'garagi faoliyat ko'rsatmoqda.

Bolalar shoiri Abdurahmon Akbar, tadbir mehmoni.

- Bolajonlarning she'riy mushoirasidan bir olam zavq olib,

o'zim ham bolaligimga qaytgandek bo'ldim. Ularga bag'ishlangan she'rlarimni o'qib berayapmanu, yana ham yaxshiroq ijod qilish mas'uliyati yelkamga yuklanmoqda. Ularga «Cho'lpon» nashriyot-matbaa ijodiy uyimizda chop etilgan «Bor ekanda, yo'q ekan» ruknida rangli kitoblar, «Mehrinigor», «Eng katta sehr», «Plyus Besh» singari yangi kitoblarni sovg'a qildim. O'quvchilarning kitobga bo'lgan mehlarni ko'rib quvondim. Eng asosiysi, o'quvchilar bir-biri bilan nihoyatda ahil-inoq, quyi sinflarning yuqori sinf o'quvchilari bilan hamjihatligidan mamnun bo'ldim.



Yuzu ko'zidan ertangi kunga ishonch, shodlik hissi ufirib turgan o'quvchilar va ustozlarning kelgusi ishlariga baraka tilab, ular bilan xayrlashdik.

Jamila ERDONOVA suhbatlashdi.

Bolajonlar, xabaringiz bordir-a, bu yilgi yozgi ta'tilda jismoniy tarbiya o'qituvchilari ta'tilga chiqmas ekanlar. Nega deysizmi?!

Bu haqda sizlarga to'liq ma'lumot berish uchun O'zbekiston Respublikasi Xalq ta'limi vaziri o'rinbosari, vazirlik huzuridagi Bolalar sportini rivojlantirish jamg'armasi ijrochi direktori Abdulla Achilov bilan suhbatga shoshildik. Shuningdek, jamg'armaning ta'tildagi tadbirlari haqida ham bilib oldik.

tashkil qilinishi ham quvonarli holdir. O'z navbatida ushbu inshootlarning moddiy bazasini shakllantirish hamda kerakli jihozlar bilan ta'minlash maqsadida jamg'armamiz tomonidan viloyat bo'limlarimizga sport anjomlari yetkaziladi. Barcha mashg'ulotlar yuksak malakali mutaxassislar tomonidan BEPUL o'tkaziladi.

Jismoniy tarbiya muallimlari ta'tilga chiqmay, uch oy davomida bolalar bilan mashg'ulotlar o'tadilar. Kuz



– Bu yil birinchi marotaba respublikamiz miqyosida jismoniy tayyorgarlik va sport mashg'ulotlarining uzviyligi asosida yangi dastur ishlab chiqildi. Unga ko'ra uch oy davomida umumta'lim maktab o'quvchilari va barcha o'smirlar shu kunga qadar o'zlarining hududlarida faoliyat yuritib kelgan sport majmualari, bolalar va o'smirlar sport maktablarida odatiy chiniqish mashg'ulotlarini davom ettiradilar. Bu borada muntazam musobaqalar uyushtirish uchun ham barcha sharoitlar yaratiladi. Demak, Xalq ta'limi tizimi va jamg'armaga taalluqli barcha sport muassasalarining ishi bir kun ham to'xtatilmaydi. Joylardagi murabbiy, ustozlar qat'iy tuzilgan jadvalga muvofiq mashg'ulot olib boradilar. Bugungi kunda yurtimizda 395 ta yozgi sog'lomlashtirish oromgohlari mavjud bo'lib, ular har bosqichda 74785 nafardan bolajonlarni qabul qiladi. Tabiiyki, barcha bolalar ham oromgohlarga borolmaydilar. Shuning uchun ham biz oromgohlarga borolmaydigan bolajonlarni bo'sh vaqtini mazmunli tashkil etish, turli oqimlar ta'siriga tushib qolmasliklari uchun yuqoridagi taklifni amaliyotga joriy etmoqchimiz. Bu degani, yozgi ta'til davomida respublikamizning barcha maktablarning sport zallari, maydonlari bolalar uchun ochiq bo'ladi. O'quvchilar sportning xohlagan turida shug'ullanishlari mumkin. Lekin barcha mintaqada sportning kurash, belbog'li kurash, boks, futbol, voleybol, tennis, stol tennis, shaxmat va sharq yakka kurashlari kabi an'anaviy turlaridan to'garaklar

JISMONIY TARBIYA O'QITUVCHILARI TA'TILGA CHIQMAYDILAR

(Chunki ta'til sport mavsumiga chorlamoqda).

oylarida belgilangan jadvalga muvofiq mehnat ta'tiliga chiqadilar. Bundan tashqari jamg'armamiz tomonidan hozirgi kunda faoliyat yuritayotgan bolalar oromgohlariga yuborish rejasi ham ishlab chiqilgan. Agarda o'quv yili davomida sport muassasalarimiz ma'lum bir vaqt va soatda shug'ullanuvchilarni qabul qilgan bo'lsa, yoz oyida istisno tariqasida uning jadvaliga o'zgartirishlar kiritilib, keluvchilarni ular uchun qulay paytda qabul qilaveradi.

Jamg'arma, shuningdek, «Yozgi ta'til-2005» sport musobaqalarini o'tkazmoqchi. Ushbu tadbirlarni o'tkazishdan ko'zlangan asosiy maqsad – yoshlarning bo'sh vaqtlarini mazmunli, maroqli o'tkazish, ularni jismoniy tarbiya mashg'ulotlari va sog'lom turmush tarziga uzluksiz jalb qilishdan iborat. Biz bu ishlarni Madaniyat va sport ishlari vazirligi, Xotin-qizlar qo'mitasi, «Sog'lom avlod» jamg'armasi, «Vatanparvar» tashkiloti, Kasaba uyushmalari federatsiyasi, «Mahalla» jamg'armasi va «Kamolot» Yoshlar Ijtimoiy Harakati bilan hamkorlikda tashkil etmoqdami.

Sportning basketbol, kurash, belbog'li kurash, erkin kurash dzyudo, voleybol, yengil atletika, stol tennis, qo'l to'pi, shaxmat, shashka, suzish, boks va sharq yakka

kurash turlari bo'yicha uch bosqichdan iborat musobaqalar tashkil etiladi.

1-bosqich musobaqalari joylarda o'z-o'zini boshqarish organi – mahalla qo'mitalari tomonidan o'tkaziladi.

2-bosqich Xalq ta'limi bo'limlari mas'ulligida tuman miqyosida uyushtirilib, unda mahallada g'oliblikni qo'lga kiritgan jamoalar yoki yakka birinchilik uchun bolalar ishtirok etadilar. Eng yuqori natijani qo'lga kiritgan yoshlar viloyat final bosqichiga yo'llanma oladilar. Ushbu bellashuvlar iyun oyidan boshlandi. G'oliblar 15-avgust kunigacha aniqlanib, barcha viloyatlarning tuman markazlarida homiy tashkilot va musobaqa ta'sischilari tomonidan mukofotlanadilar.

Bu ezgu ishlarimizga bosh-qosh bo'layotgan fidoyi murabbiy va ustozlaringizga o'z minnatdorchiligimni bildiraman.

«Bolalar sportini rivojlantirish jamg'armasi» matbuot xizmati hamkorligida Xurshida BOYMIRZAYEVA tayyorladi.

ELYORJONLAR KO'PAYSIN

Sport bilan muntazam shug'ullanadigan o'g'il-qizlarning gavda tuzilishi, tashqi ko'rinishi, xatti-harakatlari ham boshqalardan biroz ajralib turishini hech kuzatganmisiz? 1993-yilda Qashqadaryo viloyatining Qarshi shahrida tug'ilgan Elyorjon Bahromovni ilk bor ko'rganimizdayoq sportchi bo'lsa kerak, deya taxmin qilgandim. Adashmagan ekanman, bo'lganda ham unaqa-bunaqa sportchi emas ekan. 9 yoshidan buyon karatening «Shotakan» turi bilan muntazam shug'ullanib kelayotgan Elyorjonning o'qishlari ham chakki emas, poytaxtimizdagi 296-maktabning 6-«A» maxsus iqtidorli sinfida

«4» va «5» baholarga o'qib kelayotgan ekan. Ustozi Bilol aka Zayniddinovdan karate saboqlarini puxta o'rganib, talaygina yutuqlarni qo'lga kiritdi. 2003-yilda «Yilning eng yaxshi sportchisi», 2004-yilda «Bilol karate» sport klubida chempionatning 1-o'rin sohibi, shu yili O'zbekiston Karate Milliy Federatsiyasi tomonidan diplom hamda qimmatbaho sovg'alar bilan taqdirlandi. Yosh bo'lsa-da, qizil belbog' sohibi bo'lishga ulgurdi.

Ayrim bolalar sportga qiziqib, mashg'ulotlarga shu darajada berilib ketganlaridan o'zlashtirishlari pasayib ketganini ham sezmay qolishadi. Elyorjon esa undaylar toifasidan emas. Har bir kunini to'g'ri taqsimlagani bois ikkisiga ham ulguradi. Maktabda puxta bilim olib, ulg'aygach dorishunos bo'lishni orzulaydi. Sport bilan muntazam shug'ullanib, ustozi Bilol aka Zayniddinov, Nurxon aka Nafasovdek mohir karate ustasi bo'lishni, sportdagi yutuqlari orqali yurtimiz dovruq'ini dunyoga yoyishni niyat qiladi...


Orzulari oydin tengdoshimizga omdalar tilar ekanman, dilimda bir ezgu-niyat yarq etdi: o'ramizda Elyorjondek aniq maqsadlar bilan yashayotgan umidli o'g'il-qizlarimiz ko'paysin!

Nargiza SAYDULLAYEVA, «Yangi avlod» media markazi a'zosi.

Tengdoshlarimning aksariyati futbolni to'p orqasidan yugurib, gol urishdan iborat deb o'ylaydi. Aslida unday emas. Futbolda oyoq bilan barobar, aql ham ishlashi kerak. Futbolchilar hatto matematikani ham mukammal o'rganishlari lozim.

Men adamning orzusi, o'zimning xohishim bilan oliy futbol maktabiga a'zo bo'ldim. Sinov shartlari, ya'ni darvozaga to'p

kiritish, «janglar» usulini bajarish, yugurish kabi mashqlardan



qilayotgan Temur G'aniyev, Marat Bekmayev kabi mashhur futbolchilar mening mahalladoshlarim. Ular bilan «Tong yulduzi» gazetasining sobiq muxbiri Muzaffar Pirmatov qiziqarli suhbatlar uyushtirgan ekanlar. Yillar o'tib, ular mashhurlik shohsupasiga ko'tarildilar. Bot-bot gazetadagi ilk suhbatni yodga oladilar. Yangi yulduzlarni kashf

qilishda «Tong yulduzi»ning

tajribasi katta ekan.

Hozirda «Chig'atoy»


jamoasida to'p surayapman. Italiyalik Roberto Bachcho kabi sevimli 10 raqami ostida mashhur futbolchi bo'lishni xohlayman.

Sport – katta maktab ekanligini bora-bora chuqurroq anglayapman. U nafaqat jismonan, balki ruhan chiniqtirar, irodani mustahkamlar ekan. Shuning uchun ham tengdoshlarimga sport bilan do'stlashishni maslahat beraman.

Shohruh DADABOYEV,

poytaxtimizning Sobir Rahimov tumanidagi 252-maktabining 2-sinf o'quvchisi.

HUJUMCHI SHOHRUHMAN



SEVGI

Sevgi go'zal fasl, bahordek go'zal,
Sinovi tog'larga chiqmoqdek qiyin.
Azobi... azobi gulxan misoli,
Yondirib, kuydirib yo'q qilar keyin.
Maftuna QO'CHQOROVA,
TDTU qoshidagi litseyning
9-sinf o'quvchisi.

G'AMGIN XOTIRA

Feruza TO'RAQULOVA,
Sirdaryo viloyati, Boyovut tumani, Abu Ali ibn Sino nomli ixtisoslashgan
maktabning 11-sinf o'quvchisi:

— «Bugun yana yaram yangilandi. Nahotki bu dunyo faqat orzu-armonlardangina iborat bo'lsa?! Yoki bunday qismat faqat mening taqdirimga bitilganmikin?..»

Sinf doshi Mohiraning ovozi eshitilishi bilan Dilshodning o'ylari tumandek tarqab ketdi.

— Dilshod, nega sinfdoshlarimiz taklifini oxirigacha eshitmading?

Garchi buning sababini o'zi juda yaxshi bilsa-da, bilmaslikka olib sinfdoshlari bilan sayohatga borishga ko'ndirmoqchi bo'ldi uni.

— Mohi, bilasanmi, ikki kundan beri tobim yo'qroq. Shuning uchun sayohatga borolmayman...

Bu bahona sayohatga bormaslik uchun asosiy sabab emasligini o'zi ham, Mohira ham juda yaxshi bilishardi.

Ular xomush uyga qaytisharkan, Mohiraning xayolidan bir o'y nari sira ketmasdi: «Dilshod hali ham Nilufarni sevadi. Uning bevaqt o'limida o'zini aybdor his qiladi. U go'yo o'z xayollari, totli xotiralari bilan yashaydi. Ko'z oldidan Nilufarning yorqin siymosi, quloqlari ostidan qo'ng'iroqdek ovozi nari ketmaydi. Sevgining qudrati

«Sevgi-ko'ngilning deyishadi. Mehmon Shunday ekan, bu e'zozlashimiz, yuragimizning aziz mehmonidek ardoqlashimiz lozim...»

Farg'onalik tengdoshingiz Rohilaning maktubidagi ushbu satrlar «Maktabdagi muhabbat» sahifasini tayyorlashimizga turtki bo'ldi. Tengdoshlaringizning shu mavzudagi maktublari asosida tayyorlangan sahifamizda keltirilgan fikrlarga balki qo'shilarsiz, balki yo'q... Nima bo'lganda ham bu boradagi fikr-mulohazalaringizni bizga yozib yuborasiz, degan umiddamiz.

shunchalar kuchli bo'lmaganida oradan o'tgan uch yildan beri Dilshod Nilufarni allaqachon unutib yuborgan bo'lardi...»

— Dilshod, biz ham bu ayanchli voqeani hecham unuta olmayapmiz. Lekin yangi hayotga qadam qo'yish arafasidamiz, qalbhlari-mizdagi armonlarni beg'ubor bolaligimizda qoldirsak, degan maqsadda sayohatga chiqmoqchi edik. Bilaman, sen Nilufarni 9-sinfda o'qiyotgan paytlarimizda toqqa chiqqanimizda yo'qotganсан. Buning uchun sen aybdor emassan. Bu taqdir, Nilufarning ayanchli taqdiri.

Dilshod, senga juda havasim keladi. Chunki senda sevgan va sevilgan yurak bor. Lekin bu yurak Nilufarning yodi bilan yashamay, o'z orzularini ham qanot qoqib uchirsin. Yodingdami, men albatta Iqtisodiyot universitetida o'qiyman, deya Nilufarga so'z berganding. So'zingning ustidan chiqsang, uning ruhi ham shod bo'ladi...

Iqtisodiyot universitetida o'qib yurgan kezlari ham bu so'zlar Mohiraning xayolidan sira nari ketmadi. Chunki uning Dilshodga nisbatan bo'lgan mehriга to'sqinlik qiluvchi yagona kuch shu edi.

Guljahon OTABOYEVA,

Samarqand viloyati, Oqdaryo Pedagogika kolleji
huquqshunoslik fakulteti 1-kurs talabasi:

— Komila sinfdagi eng a'lochi, eng xushro'y qiz edi. Ayni paytda o'ziga biroz bino ham qo'ygandi. Chunki uning dadasi kattakon amaldor bo'lib, Komila uning yolg'izgina erka farzandi edi-da...

...Komila bugun ham odatdagidek barvaqt

uyg'ondi. Maktab formasini kiyib,

sochlarini chiroyli qilib

turmakladi. Maktabga kelsa,

hali darsga qo'ng'iroq

chalinmagan ekan. Hamma

salomlashib o'z o'miga borib o'tirdi.

— Qalaysan Komila? — deya jilmayib salomlashish uchun qo'l cho'zib turardi qarshisida sinfdoshi Muzaffar.

— Yaxshimisan? — istamaygina javob qildi Komila.

Muzaffar Komilani sevardi. Dil izhorini aytishga bir necha bor chog'lanardi-yu, qizni ko'rishi bilan tuni bo'yi yodlab chiqqan chiroyli so'zlari yodidan ko'tarilib, sekingina salomlashishdan nariga o'tolmasdi.

Muzaffar o'rtamiyona kun ko'radigan bir oilaning farzandi edi. Otasi traktorch, onasi esa farrosh bo'lib ishlashardi. A'lo baholarga o'qishi, do'stlaridan yordamini ayamagani uchun ham sho'x-shaddod

Muzaffarni hamma yaxshi ko'rardi. Do'stlari davrasida burro-burro tili nimagadir Komilaning yonida duduqlanib qolardi.

Bir kuni Komila bilan Muzaffar sinfdan navbatchi bo'lib qoladigan bo'lishdi. Stullarni stol ustiga qo'yib chiqayotgan Muzaffarning ko'zi stoldagi «A+S=S» degan yozuvga

tushib qoldi. Komilaning sinfdan chiqib ketishini poylab turdi-da, «M+K=S» deb yozib qo'ydi. Shu payt yuziga tushgan tarsakidan ko'zlari chaqna ketdi. Qarshisida jahl otiga mingan Komila turardi.

— Nega unday deb yozding?..

Muzaffar ortiq chidolmadi. Necha yillardan buyon yuragining tubida asrab yurgan gaplarini aytib yubordi:

— Chunki men seni sevaman!!! So'ngra papkasini oldi-yu, yugurgacha sinfdan chiqib ketdi...

Ertasi kuni Komila hamma sinfdoshlarini tug'ilgan kuniga taklif qildi.

Muzaffarga bir qarab oldi-da, ba'zi birovlarining borishi

ham shart emas, deb qo'ydi.

Ertasi kuni hammalari Komilalarnikiga yo'l olishdi. Bayram avjiga chiqqanda darvoza taqillab qoldi. Komila hayron bo'lib darvozani ochdi. Qarshisida Muzaffar jilmayib turardi:

— Komila, tug'ilgan kuning bilan tabriklayman, — deya orqasiga yashirib qo'ygan guldastasini unga uzatdi.

— Rahmat, — istamaygina guldastani qo'lga oldi Komila.

— Balki uyingga taklif qilarsan, — so'radi Muzaffar sinfdoshlarining ovozi kelayotgan xonaga ishora qilib. — Taklif qilardimu, dadam har kimni ham uyga olib kiraverma, deganlar-da, — dedi Komila kerilib.

— Xayr, sen bilan xayrlashgani kelgandim, — deya yugurib ketdi Muzaffar. Ertasi kuni Muzaffar maktabga kelmadi. Ular shaharga ko'chib ketishgandi...

Shunda Komila qalbida qandaydir bo'shliq paydo bo'lganini his qildi. Qanchalik qaysarlik qilmasin, u ham Muzaffarni sevib qolganini shundagina anglab yetdi. Ammo endi kech edi...

Maktabdagi muhabbat

Munajat SADRIDDINOVA,
talaba:

To'g'risini aytsam, chin sevgi maktabdan boshlanar ekan. 9-sinf o'quvchisi Baxtiyor sinfdoshi Go'zalga ko'ngil qo'yib, muhabbat maktubini bitdi. Aslida Go'zal Baxtiyorni undan avvalroq sevib qolgan, shunday bo'lsa-da, tuyg'ularini yuragida saqlab yurardi. Sozli tordan nozli sado chiqqani kabi, Go'zal ham Baxtiyorga ko'nglidagi pok muhabbatini xat orqali izhor etdi. Birinchi sinfdanoq bir partada o'tirishgani, maktabga borar yo'llari ham bir bo'lgani bois ular bir-birlariga shu darajada bog'lanib qolishgan ediki, Baxtiyor bir kun darsga kelmay qolsa, eng a'lochi o'qiydigan Go'zal ham o'ziga o'xshamay qolardi...

Lekin keyingi paytlarda nimagadir Baxtiyor o'zini Go'zaldan olib qochadigan odat chiqardi. Buni hatto sinfdoshlari ham payqashibdi. Bu hol Go'zalni bolaligidanoq bezovta qilib kelayotgan yurak xastaligiga yana dard qo'shdi. Tobi qochib, shifoxonaning jonlantirish bo'limiga tushib qoldi. Bu yangilikni eshitgan Baxtiyor qattiq ranjidi-yu, shifoxonaga borishga yuragi betlamadi.

BAXTIYORNING KO'Z YOSHLARI

Go'zalning eng yaqin dugonasi Sarvinov berdi. Shunda Baxtiyor unga dilidagi borini to'kib soldi. Baxtiyor onasiga Go'zalni yoqtirishini, uning yuragi tez-tez bezovta qilib turishini ham aytgan ekan. Onasi esa: «Sen bu qizni unut. Sog'lom onadan sog'lom bola tug'iladi» degan ekan va u bilan uchrashishini ta'qiqlab qo'ygan ekan... Lekin Baxtiyor ortiq chidolmadi, darslarning tugashini ham kutmay, shifoxonaga yugurdi. Biroq, u yetib borganida Go'zalning bu dunyodan ko'z yunganiga yarim soat bo'lgan ekan. Bu mudhish xabar Baxtiyorning qalbidagi shodliklari-yu orzulariga qo'shib, hayotga bo'lgan qiziqishini ham yulqib olgan ekan...

Hozir uning tengqurlari turli oliygohlarda tahsil olib yurishibdi. Baxtiyor esa Go'zalning suratiga termulib yig'lagani-yig'lagan...

Istora MAHKAMOVA,

Respublika rassomlik kollejinin

1-bosqich talabasi:

— Maktabimizda bir-birlarini qattiq sevishadigan bir qiz bilan bir bola bor edi. Ustozlarimiz ularga bir necha bor tanbeh berishgan, maktabdagi muhabbatning o'tkinchi havas ekanligini ta'kidlashgan

O'TKINCHI HAVAS EMAS...

bo'lsa-da, parvo qilishmasdi. Ular orasidagi muhabbat rishtalari turli oliy o'quv yurtlarida o'qib yurgan kezlari ham uzilmadi. Aksincha, yanada mustahkamlanib, ularning oila qurishlariga sabab bo'ldi.

O'sha paytlarda men 7-sinfda o'qirdim. Yosh bo'lsam-da, ularning muhabbatiga, sadoqatiga juda havas qilardim. Maktabdagi muhabbatning turmushga ham etaklashiga o'shanda amin bo'lganman.

BIR NIGOH OLISDAN KUZATSA...

Har kuni iliq tong otganda,
Quyosh sho'x jilmayib botganda.
Ko'zlarim jilvasin ko'rolmay,
Yuragim bilan his etganda.

Samoni turnalar bezatsa,
Gullarga quyosh nur uzatsa.
Entiktirib ajib his qalbinmi,
Bir nigoh olisdan kuzatsa.

Qo'llarim cho'zsamda, etmasa,
Hayajon qalbni tark etmasa,
Olismi, yaqinmi, baribir
Xayoldan u aslo ketmasa...

NIGORA.

XAYRLASHGANI KELDIM



Bahorning ilk kunlarida Nodir do'stlari bilan maktabdan qaytayotgandi.

— Bolalar, bog'chadagi dovuchchalar-chi mana bunday bo'lib qolibdi,



Nodirni darhol siniqchiga olib borishdi. «Oyoq suyagi biroz lat yebdi. Mana bu malhamni bog'lasangiz, 2-3 kunda ko'rmagandek bo'lib ketadi», deya onaning ko'nglini xotirjam qildi tabib. Biroq 2-3 kun emas, undan ko'proq vaqt o'tsa hamki, Nodirning oyog'i tuzalay

qilibdi. Oradan biror hafta o'tgach, «eshak mingan qahramonimiz» ham sog'-omon uyiga qaytibdi...

— Biz shifokorlar yilni turli mavsumlarga bo'lib ataymiz: varrak mavsumi, dovuchcha mavsumi, sirpanchiq mavsumi degandek, — deydi shifokor-travmatolog Hikmatilla Tolipov.

— Hozir esa yoz mavsumi

yetkazganlar. Shogirdlarining fan doktori, fan nomzodi darajalariga yetishishlarida ham u kishining hissalariga katta. Institutimizdagi eng murakkab jarrohlik operatsiyalarini amalga oshiradigan ustozimizdan uning qo'lida shifo topgan bolajonlar ham, ularning ota-onalari ham behad minnatdorlar. U kishiga biz shogirdlari ham havas qilib,

ESHAK

MINGAN

«QAHRAMON»

— dedi do'stlaridan biri hovliqib. — Yuringlar, yeymiz...

Bu taklif hammaga birdek yoqib tushdi. Bog'cha qorovuliga sezdirmay boqqa kirishdi-da, papkalarini bir chekkaga, taxlab daraxt shoxlariga osila ketishdi.



demasdi.


O'g'lining oyog'i shishib ketayotganidan, og'riqlari pasayish o'rniga yanada kuchayayotganidan xavotirga tushgan ona uni Respublika travmatologiya va ortopediya ilmiy-tekshirish institutiga olib keldi. Nodirni bolalar o'tkir jarohatlar bo'limida zudlik bilan ko'rikdan o'tkazib, darhol operatsiya qilish lozimligini aytishdi.

Operatsiya muvaffaqiyatli o'tdi. Tez orada oyoqqa turib ketgan Nodirjon shifoxonadagi o'zi kabi sho'x bolajonlar bilan

do'stlashishga ham ulgurdi.

Parkentlik tengdo-shining «sarguzashtlari» ham unikidan qolishmas ekan. Buvasining eshagini minaman deb yiqilib, qo'li sinibdi. Onasi tabibga olib borgan ekan, allaqanday dori surtib,

mahkam bog'lab qo'yishibdi. Shu bog'langancha yigirma kun yechishmabdi. Keyin qarashsa, singan suyaklar noto'g'ri bitib qolibdi. Noiloj uni ham mana shu institutga olib kelishibdi. Bolakayni qo'li yengil shifokor, katta ilmiy xodim Ro'zimboy aka Rahmonov suyaklarini qayta sindirib to'g'rilash yo'li bilan operatsiya



Vuy, tepasida katta-kattalari bor ekan, — dedi Nodir ko'zlari quvonchdan porlab. — Men daraxtga chiqib teraman.

— Pastki shoxlarida ham ko'p-ku, teravermay-sanmi? Qorovul kelib qolsa, ko'rasan, — ogohlantirdi do'sti Akmal.

— Nima qilardim, sakrab tushamanda, qochaman...

Nodir daraxtga chiqib cho'ntaklarini to'ldirib dovuchcha terib oldi. Endi pastki shoxlariga oyoq qo'yib yerga tushaman deganda, daraxt shoxi sinib ketdi va ...

Oyog'ini bosolmay qolgan Nodirni do'stlari navbatma-navbat opichlab uyiga olib kelishdi. O'g'lining ahvolini ko'rgan onaning holatini bir tasavvur qiling-a?! Qo'shnilarining maslahati bilan

boshlandi. ulardek

mohir, qo'li yengil shifokor bo'lish uchun astoydil harakat qilyapmiz...

Tug'ma suyak nuqsonlari, virusli deformatsiyalar, eskirgan montedji jarohatlari, brekta jarohatlari kabi xastaliklar bilan og'rikan bemorlar davolanadigan ushbu maskanda qalbi egnidagi oq xalatlaridan-da oppoq insonlar mehnat qilishadi. Institut direktori, professorlar Mirhakim aka

Azizov, Rahmonali aka Xo'jayev, Iskandar aka Xo'jamov, katta ilmiy xodim Ro'zimboy aka Rahmonov kabi qo'li yengil shifokorlar chanoq, son, bo'g'in endoprotezlarini qo'yib, katta bo'g'inlarda uchraydigan turli kasalliklarni jarrohlik yo'li bilan davolaydilar.

Ushbu maskanda yangi tug'ilgan chaqaloqning kesib olingan kindigi to'qimasidan bo'g'in yuzi tog'ay qismini tiklash ishlari yo'lga qo'yilgan.

Biror kor-hol bo'lsa onalarimiz bilan birdek qayg'uradigan o'yinqaroq farzandlarimiz salomatligining posboni bo'lmish mehri daryo shifokorlarimiz baxtimizga omon bo'lishsin.

NARGIZA suhbatlashdi.

Qay bir elning mashhur va kuchli polvoni borki, tantilik borasida dong taratgan bo'ladi. Davralarda bel olishib, sovrinning sarasini qo'lga kiritganda, yetim-yesirlarga, miskinlarga, ustozlariga uning bir qismini ulashganini ko'p ko'rganmiz va eshitganmiz. Yurtimiz polvonlarining ham bunday tantiliklari haqida ko'p eshitganmiz.

Bugungi kunda mamlakatimizning eng kuchli polvonlaridan biri bo'lmish Abdulla Tangriyev faoliyatida ham bunday misollar talaygina. Bir qator turnirlar g'olibi, O'zbekiston Prezidenti sovrini uchun o'tkazilgan kurash musobaqalarining besh bor sovrindori bo'lgan Abdulla, polvonlik saxovatini namoyish qilib kelmoqda.

2001-yil Nukusda

o'tkazilgan ana shunday nufuzli turnirlarning birida o'n ming dollarlik Prezident sovriniga egalik qilgan Abdulla, o'z mukofotining 10 foizini Qoraqalpog'istonda sportni rivojlantirish uchun mezbonlarga sovg'a qilgan edi.

Yaqinda Termiz shahrida o'tgan an'anaviy turnir,

Prezident sovrini uchun al-Hakim At-Termiziy xotirasiga bag'ishlangan xalqaro musobaqada ham Abdulla Tangriyev yana bir bor polvonlarning eng polvoni ekanligini isbotlab, bosh sovrinni qo'lga kiritdi. Bu safar nomdor polvon sovrinning bir qismini

sport jihozlarini topshirdi.

Boysunlik yoshlarning bir nechtasiga Abdulla kurash yaktagini kiydirib qo'yganda, bo'lajak polvonlarning qanchalik xursand bo'lganligini so'z bilan ta'riflash qiyin. Mehribonlik uyining

Ibrat

yaratib berilmoqda. Axir

bizning qon-qonimizda, jism-ujonimizda saxiylik, tantilik fazilatlariga singib ketgan-da. Bugun bu harakatni qo'llab-quvvatlovchilar safi kengaymoqda. Men ham o'zim qo'lga kiritgan sovrinning bir qismini sportni ommaviylashtirishga sarflaganimdan mamnunman. Mehribonlik uyiga ajratilgan anjomlar bolalarjonga bo'sh vaqtlarini mazmunli o'tkazishida yordam bersa, men baxtiyorman, — deydi Abdulla polvon.

Jamshidjon PARDAYEV, Surxondaryo viloyati.

ABDULLA POLVON SAXOVATI

Boysundagi o'rta maktab va mehribonlik uyi uchun ajratishga qaror qildi.

O'zi tahsil olgan 38-maktabga va Surxondaryo viloyati Xalq ta'limi boshqarmasiga qarashli mehribonlik uyiga 15 turdagi

mo'jazgina mashq zali bor ekan. Endi bu zal polvon tomonidan hadya etilgan sport anjomlari bilan yanada boyidi.

— Hukumatimiz tomonidan bolalar sportini rivojlantirishga alohida e'tibor berilayapti. Joylarda yoshlar uchun keng imkoniyatlar, shart-sharoitlar

Mening fikrim

Tahririyatimiz qoshidagi «Yosh qalamkashlar» to'garagi a'zolarining deyarli ko'pchiligi ulg'aygach jurnalist bo'lishni orzulashadi. Xo'sh, jurnalist deganda ular kimlarni, qanday insonlarni tasavvur qilishadi? Yosh ijodkorlarning bu boradagi fikrlarini bilish maqsadida ularga, jurnalist qanday bo'lishi lozim, degan savol bilan murojaat qildim va quyidagicha javoblar oldim:

Dildora TANGIROVA,
Mirzo Ulug'bek tumanidagi 205-maktabning 5-sinf o'quvchisi:

— Jurnalistlar yaxshigina san'atkor ham bo'lishlari lozim. Chunki ular turli vaziyat va holatlarda ishlashlariga to'g'ri keladi-da. Yana, ulardan juda tez fikrlash, so'zga chechanlik ham talab qilinadi. Aytaylik, biror ko'rsatuvni olib borayotgan jurnalistning aytishi lozim bo'lgan so'zlari yodidan chiqib qoldi. U buni tomoshabinga sezdirmay, o'z fikr-mulohazalari bilan to'ldirib ketishi kerak. Buning uchun esa undan san'atkorlik mahorati talab qilinadi.

Nigora MIRQODIROVA,

Toshkentdagi 315-maktab o'quvchisi:

— Jurnalist qanday bo'lishi kerak, degan savolga Xayrulla Nuriddinovga o'xshagan bo'lishi kerak, deb javob bergan bo'lardim. Uning ko'rsatuv olib borishi menga juda yoqadi. Tomoshabinni quruq gaplar bilan zeriktirib qo'ymaydi. Dunyoqarashi keng, bilimi kuchli, har bir gapini aniq faktlarga tayangan holda asoslab beradi. Hali yosh bo'lsamda, ular tayyorlagan ko'rsatuvlarni maroq bilan tomosha qilaman. Hozirdanoq puxta bilim olib, o'qib-o'rganib ulardek jurnalist bo'lishni orzulayman.

JURNALIST QANDAY BO'LISHI KERAK?

Muxlisa MUSAXO'JAYEVA,
Toshkent shahar, Shayxontohur tumanidagi 137-maktabning 9-«A» sinf o'quvchisi:



— Bu savolga javob berishdan avval, «Jurnalist o'zi kim?» degan savolga javob topishimiz kerak, nazarimda. Menimcha, jurnalist davlat bilan xalq o'rtasida xolis vositachi bo'lishi kerak. U bo'layotgan voqea-hodisalarni xolisona baholay olishi lozim. U har bir so'zining aniq va asosli bo'lishiga javobgar. So'z boyligi mo'l, dunyoqarashi keng bo'lishi kerak. Bundan tashqari jurnalist nozik did-farosatli bo'lishi lozim. Chunki u doimo elning nazarida bo'ladi. Har qanday sharoitda ham og'ir, mazmin bo'lishi, suhbatdoshi bilan muloyim muomalada bo'lishi kerak. Yana u kuchli xotira va tez fikrlay olish qobiliyatiga ega bo'lsa, nur ustiga a'lo nur. Xoh maqola yozadimi, xoh ko'rsatuv tayyorlaydimi, biror bir muammoni ko'tarib chiqsa, uni atroflicha tahlil qilib, o'z fikr va mulohazalari bilan yechimini topishga intilsa, bir so'z bilan aytganda, xalqning dardiga quloq tutsagina xalqining mehrini qozona oladi, deb o'ylayman.

Umida QOSIMOVA,
poytaxtdagi 97-maktab o'quvchisi:

— Jurnalist, bu sohaning qaysi yo'nalishini tanlamasin, xoh u telejurnalistika bo'lsin, xoh yozma, jurnalist degan sharaflı nomga loyiq bo'lishi kerak. Aslida jurnalistika — bu ijod qilish demak. Uning mahsuli esa hammaga birdek yoqavermaydi. Chunki ijodning o'zi bir maromda davom etadigan jarayon emas. Menimcha, jurnalist yutuqlardan esankirab qolmasligi, mabodo tanqidga uchrasa, ruhan tushib ketmasligi lozim. Bundan tashqari jurnalist har tomonlama yetuk, bilimdon va zukko bo'lishi kerak, deb o'ylayman. Yana ular har sohadan xabardor bo'lishlari lozim. Chunki ularning suhbatdoshlari, yozilajak maqolalarining qahramonlari turli soha vakillari bo'lishi mumkin-da. Bir so'z bilan aytganda, jurnalist har tomonlama yetuk inson bo'lishi kerak.



Umida SHARIPOVA,
Toshkent viloyati, Toshkent tumanidagi 2-o'rta maktabning 6-«A» sinf o'quvchisi:

— Shifokor insonlarni davolasa, oshpaz ular uchun taomlar tayyorlaydi. Jurnalistlar esa insonlarni ma'nan oziqlantiradi. Shunday ekan, avvalo ularning o'zlari ma'naviyatli, bilimli, ilmi bo'lishlari dardkor. Shuningdek, har sohadan xabardor bo'lishi kerak. Dehqon bilan suhbatlashsa, dehqon, tadbirkor bilan suhbatlashganda tadbirkor bo'la olishi kerak, deb o'ylayman.

Men ham kelajakda ana shu sermashaqqat va sharaflı kasb egasi bo'lishni orzulayman. Bobolarimiz aytgandek, hunar menimas, men uni go'zal qilib turish niyatidaman. Faqat tashqi ko'rinishim emas, ichki olamim ham go'zal bo'lishini xohlayman.



Shahnoza RAVSHANOVA,
Toshkent viloyati, Chirchiq shahridagi 2-maktabning 8-sinf o'quvchisi:

— Jurnalist bo'lish oson, ammo elning nazariga tushgan mohir jurnalist bo'lish oson ish emas. Buning uchun katta mahorat, iroda va matonat kerak bo'ladi. Zamonaviy jurnalist mening nazarimda teran fikrlay oladigan, xolis inson bo'lishi kerak. Yana, hamsuhbatining ruhiyatini yaxshi tushunadigan ruhshunos ham bo'lishi lozim. Jurnalist atrofida sodir bo'layotgan hech bir voqea-hodisaga befarq bo'lmasligi kerak. Ayniqsa, muammolarga. Toki uning ko'tarib chiqqan muammosi xalqimizning dilidagi gapi bo'lsin.



Feruza JALILOVA,
to'garak rahbari.



Tohir HIKMATOV,
Toshkent shahar, Mirzo Ulug'bek tumanidagi 205-maktabning 3-sinf o'quvchisi:

— Menimcha, jurnalist juda ko'p tillarni bilishi kerak. Shunda u yanada ko'proq ma'lumotlarga ega bo'ladi va yozgan maqolalari qiziqarli, o'qimishli chiqadi.

Yana qonunlarimiz bilimdoni, yaxshigina huquqshunos ham bo'lishi kerak.

Tengdoshingiz Kamolaxon O'rta Osiyo Pediatriya tibbiyot instituti qoshidagi akademik litseyning 3-bosqich talabasi. Maktab partasidanoq bolalar shifokori bo'lishni diliga tugib qo'ygan qiz o'z orzusiga erishish uchun tinmay o'qib izlanmoqda.

— Bolajonlarning lablaridagi kulgulari bir zum bo'lsa-da so'nmasin, ularning ko'zlaridan yosh to'kilmasin deyman. Ta'lim dargohimizda malakali

BOLALAR KO'ZIDA YOSH KORMAY



ustozlarimiz ko'pchilikni tashkil etadi. Ularning qunt bilan berayotgan saboqlari bizni doimo a'lo o'qishga undaydi. Akademik litseyimizda tahsil oluvchilar uchun barcha sharoitlar muhayyo. Tibbiyotda qo'llaniladigan tajriba uskunalar, turli o'quv qurollari, zamonaviy kompyuterlarga ega bo'lgan mashg'ulot xonalari bizning ixtiyorimizda. O'qishni tamomlagach, tibbiyot oliygohida tahsilni davom ettirmoqchiman. Bemorlarning hayoti shifokor qo'lida bo'ladi. Shuning uchun ham u kuchli bilimga ega bo'lishi lozim.

Kamola singari egniga oq xalat kiyib el dardiga darmon bo'lishni istovchi zukko talabalar ushbu akademik litseyda ko'pchilikni tashkil etarkan. Dugonalari davrasida qizg'in bahsga berilib ketgan Kamolaning ko'nglida bir niyat u ham bo'lsa o'qishni davom ettirib malakali mutaxassis bo'lib yetishish. Niyatlaring hamisha ijobat bo'lsin, Kamola!

Mohinur HAYDAROVA.

MO'YQALAM JILOLARI

Tengdoshingiz Iroda Saydiyeva 9-maktabning 7-sinfida tahsil oladi. A'lochi, jamoatchi qiz. Ona-tili, adabiyot, chet tili fanlariga qiziqadi.



Rasm chizish uning jonu dili. Bobojoni O'zbekistonda xizmat ko'rsatgan yoshlar murabbiysi, Jahon tillari universiteti xalqaro jurnalistika fakulteti dekani Saydi Umirov Irodaxonga bog'cha yoshidayoq choynak, piyola, daraxtlar, gullar rasmini chizishni erinmasdan o'rgatdilar. Ularning beqiyos mehr e'tibori bois bugun Irodaxon yaxshigina mo'yqalam tebratmoqda. U hozirda Respublika rassomlik kollejida tashkil etilgan to'garak a'zosi, mashg'ulotlarga muntazam qatnab kelmoqda. Ustozi Yodgor opadan rassomchilik sir-asrorlarini qunt bilan o'rganmoqda. Irodaxon tahririyatimizga bir nechta chizilgan rasmlarini olib kelibdi. Ularni ko'zdan kechirar ekanmiz, yana bir iste'dod chashmasi ko'z ocha yotganidan mamnun bo'ldik.



«Tong yulduzi» ko'rgazmasi



Uyga vazifa

O'quv yilining so'nggi kunlari edi. Ustozimiz Dilfuza opa Saydaliyeva tarbiyaviy soat o'tkazdilar. Chorak hamda yillik baholarimizni o'qib eshittirib, o'quv yilini a'lo baholar bilan yakunlagan o'quvchilarga «Maqtoov yorliq»lari topshirdilar.

— A z i z o'quvchilarim, mana yozgi ta'tilga ham chiqib oldingiz. Bu degani papkani bir chekkaga uloqtirib, kunni faqat o'yinqaroqlik bilan o'tkazish degani emas. To'g'ri, ta'til dam olish uchun beriladi. Vaqtida dam oling, tabiat qo'yniga sayru-sayohatlarga chiqing, sport bilan shug'ullaning, shuningdek, badiiy kitoblarni o'qishni ham unutmang. Sizlarga bir

topshiriq bermoqchiman. «Mening orzuim» mavzusida referat yozib kelinglar. Yangi o'quv yilining boshida insholaringizni tekshirib, baholayman, — deya topshiriq berdilar ustoz...

Kecha qo'limga qog'oz-qalam oldim-da, ustozimiz bergan topshiriqni bajarishga kirishdim. Dastlab uzoq yillar o'quvchilarga ona tili va saboq berib

d a v o m i d a

adabiyot fanidan

kelgan, hozirda

keksalik gashtini

surayotgan katta oyim

Mahmuda opa Rahmatullayeva haqida

yozdim. Keyin esa katta oyimga havas qilib, ularning

izidan borgan onajonim Hafiza Asqarova hamda xolam haqida yozdim. Referatim so'nggida buvim va oyijonimga, shuningdek, ustozim Dilfuza opaga astoydil havas qilishim, ulg'aygach xuddi ulardek mohir, bilimdon o'qituvchi bo'lish niyatida ekanligim haqida yozdim. Menimcha, rangli qalamlar bilan chiroyli qilib bezatgan referatim ustozimga ham yoqsa kerak. Ular bergan topshiriqni bajarib qo'ydim, endi bemalol dam olsam bo'ladi.

Maqsadxonposhsha TORAXOJAYEVA.



DIQQAT, DIQQAT!

BADIIY MARKALAR MUALLIFINI IZLAYMIZ!

«O'zbekiston pochta» OAJ «O'zbekiston markasi» filiali 2006–2010-yillarga mo'ljallangan badiiy markalar ishlab chiqarish istiqbolli rejasini ishlab chiqmoqda. Shu munosabat bilan korxona, tashkilot, ijodiy uyushmalar, filatelistlar va jamiki qiziquvchilarni go'zal diyorimiz O'zbekistonning o'simlik va hayvonot dunyosi, rang-tasvir, kino, san'at, sport, tarixiy va zamonaviy arxitekturasini, madaniy yodgorliklari, davlat ahamiyatidagi yubiley sanalari, ichki va tashqi xalqaro voqealarga hamda respublikamiz iqtisodiyotining turli qirralarida erishilayotgan ulkan yutuqlarga bag'ishlangan mavzular bo'yicha takliflaringizni kutadi.

Bizning manzil:

700011 Toshkent sh, A.Navoiy 28-«V» uy

Telefon: 1337033, 1444872

Faks: 1363648

El. manzil: uzmarka@inbox.ru

«O'zbekiston pochta» OAJ
«O'zbekiston markasi» filiali.

YURTIMIZDA OSOYISHATALIK

Fayzulla Xojaev mahallasi go'zal Toshkentimizning Mirzo Ulug'bek tumanidagi aholisi

zich joylashgan hududlaridan

biridir. U yerda yurtimizning eng

katta korxonalaridan biri bo'lgan

Kabel zavodi, Elektron mexanika kolleji, sport

kompleksi, bir necha maktab va bog'chalar

joylashgan. Bu sport maskanidagi turli

to'garaklar doimo bolalar bilan gavjum

bo'ladi. Men ham do'stlarim Zafar,

Sardorlar bilan birgalikda shu

majmuaning futbol to'garagiga

qatnashamiz.

Kuni kecha majmuamizga

mahalla bo'limi nozirlari Sanjar aka

Nig'matjonov va Ravshan aka

Qayumov hamda, ularning

yordamchilari Sherzod aka Rahimov

kelib, biz bilan suhbat o'tkazdilar.

Bizga Andijonda bo'lib o'tgan

terrorchilik voqealari, turli oqimlarga

bilib-bilmay qo'shib qolgan tengdoshlarimiz haqida

hikoya qilib berdilar. Barchamiz sog'lom fikr yuritib,

oilamiz, mahallamiz, yurtimiz tinchligi uchun jon

kuydirishimiz kerakligini uqtirdilar...

Mahalla posbonlari kechani kecha, kunduzni

kunduz demay, tinchligimizni, yurtimizda

osoyishtalikni qo'riqlaydilar.

Ko'chalarimizni, yerto'la va ko'pqavatli

uyalar tomlarini birma-bir ko'zdan kechirib,

nazorat qilib yuradilar.

Shu mahalla raisi Abdulla aka Nig'monov, mahalla

sardori Hamza aka Bobotoyev, mahalla faoli Zulfiya



opa Baniyazeva kabi fidoyi insonlar bor ekan, yurtimizda osoyishtalik hukm suraveradi.

Mahmudjon AZIMOV,

poytaxtning Shayxontohur tumanidagi

169-maktab o'quvchisi.

Hamisha uyg'oq xotira

KUCH EMAS, AQL BILAN

Shoir Sulton Qo'qonbekov 1927-yilda tug'ilgan. Nizomiy nomli Pedagogika institutini o'zbek tili va adabiyoti fakultetini tugatgan. Turli nashriyot va gazeta redaksiyalarida xizmat qilgan. «Turkiston», (Yosh leninchi) va «Tong yulduzi», (Lenin uchquni), gazeta tahririyatlarida ham ishlagan. Ostrovskiy nomli pionerlar saroyida «Yosh qalamkashlar» to'garagini ham boshqarganlar. Shoirning chop etilgan she'r, poema, dostonlari: «Chinor bog'lari», «Soy bo'yida», «Beg'ubor bo'ston», «Davom» asarlari o'quvchilarga bir olam zavq beradi.

Shoirning bolalar uchun yozgan «Hamisha uyg'oq xotira», «Mehri» (1983-yil) va boshqa she'riy kitoblari esa ota-onalaringiz qo'lidan tushmagani rost. Shoir Sulton Qo'qonbekov 1987-yil og'ir kasallikdan keyin 60 yoshida vafot etgan. Quyida shoirning hamon qarimas yana bir ertagini o'qiysiz.

Bir odam quyosh chiqqach,
O'rmonzorga boribdi.
Ancha vaqt o'tin yiqqach,
To'nkada dam olibdi.
Yoniga kelib shu dam,
Zo'r ayiq so'zlabdi tik:
— «Tur o'rningdan, ey odam,
Kuch sinashib boqaylik».

Odam unga ko'z solsa,
Ayi juda bahaybat.
Agar kurashib qolsa,
Majaqlab tashlar albat.
Lekin odam qo'rqmasdan
Debdi: «— E, bu go'daklik,
Bekorga zo'riqmasdan.
Kuching ishlat, ko'raylik!»



YOZ GASHTINI SURAMIZ

Quvnoq, jo'shqin yoz keldi,
Bizga juda soz keldi.
Yozning gashtin suramiz,
Qumdan uylar quramiz.



Bulbullarning ovozi,
Dilga yoqar sho'x sozi.
Bog'dan beri kelmaymiz,
Tinim nima bilmaymiz.

Umida HASANOVA,
Toshkent shahridagi 177-maktabning 5-sinf o'quvchisi.

Ayi o'shshaygan holda,
So'rabdi, «Qanday qilib!»
Odam to'ngakka bolta,
Uriydi kuchin yig'ib.
Bo'libdi o'ylagani,
To'ngak tez ketibdi darz.
O'rtasiga ponani,
Qo'yibdi o'tmay nafas.
— «Ajrati, — debdi, — shuni sen
Panjang bilan ikkiga.
So'ngra ishonayin men,
Kuchingning ko'pligiga!»
Ayi esa mutlaqo,
Qilmasdan bunga parvo,
Panjasini tiqqan choq,
Odam bo'lib xushchaqchaq.
Ponaga qo'l solibdi,
Darrov tortib olibdi.
Ayi panjasin qopqon —
To'ngak qisib qolibdi.
Og'riqdan-chi shu zamon,

Hayvon bo'kirvoribdi.
Odam kulibdi bundan:
— «Ajrata olasanmi,
Kurashish odam bilan
Qalay, oson ekanmi?!»
Ayi, jon talvasada
Debdi: «Yo'q oson emas,
Seni yengish, albatta,
Mening qo'limdan kelmas».
Odam beribdi tanbeh:
— «Bilib qo'yki, ey ayiq,
Kurashganda kuch emas,
Aql ustun turar, bas!»
Shunday degach birakay
Ponani qoqqan zamon,
Qochibdi tum-taraqay
Qutulib ayiq polvon.
Ayi qovoy hozir sira
Mag'rurlanmay yurarmish.
Odam sharpasin sezsa
Chetga chiqib turarmish.

TONG yulduzi

O'zbekiston Respublikasi
bolalari va
o'smirlarining gazetasi

BOSH MUHARRIR:

Umida
ABDUAZIMOVA

TAHRIR HAY'ATI:

Turobjon JO'RAYEV,
Shuhrat AHMEDOV,
Botir UBAYDULLAYEV,
Jabbor RAZZOQOV,
Feruza JALILOVA
(Bosh muharrir
o'rinbosari),
Abdusaid KO'CHIMOV,
Nurxon NAFASOV,
Ergashvoy SARIQOV.

Gazeta O'zbekiston
Matbuot va axborot
agentligida
022-raqam bilan
2003-yil 11-dekabrda
ro'yxatdan o'tgan.

Noshir
«O'zbekiston»
nashriyot-matbaa
ijodiy uyi.
Gazeta
«O'zbekiston»
nashriyot-matbaa
ijodiy uyi
kompyuter bo'limida terib
sahifalandi va
chop etildi.
Gazeta haftaning dushanba
kuni chiqadi.
Hajmi A-3,
2 bosma taboq.
Adadi - 38859
Buyurtma N: J 1338


Dizayner va sahifalovchi:
Otabek
ESHCHANOV.
Navbatchi:
Ma'mura
MADRAHIMOVA.

Rassom:
Nodira MIRZAYEVA.

Manzilimiz:
700129,
Toshkent shahri,
Navoiy ko'chasi, 30-uy.
Obuna indeksi: 198.
e-mail:
tong_yulduzi@rambler.ru

Tel: 144-10-38
144-38-10
144-63-08
Tel./ faks:
(99871) 144-24-45

TONG YULDUZI



Savollari:

1. Non yopiladigan joy. 2. O'rmon hayvoni. 3. Gul nomi. 4. Sirdaryodagi shahar. 5. Ansambl. 6. Qush nomi. 7. Yolg'on. 8. Stol o'yini. 9. Qizlar ismi. 10. Sudralib yuruvchi hayvon.



Tuzuvchi va rasm muallifi: Hilola HAMROYEVA,

Navoiy viloyati, Navoiy shahridagi 11-maktabning ixtisoslashgan bank sinfi o'quvchisi.